

RESOLUCIÓN DE INSCRICIÓN NO REXISTRO DE ORDENACIÓN DO TERRITORIO E PLANEAMENTO URBANÍSTICO DE GALICIA.

Con data do 26 de xaneiro de 2024, a xefa do servizo xurídico-administrativo, emitiu o seguinte informe proposta de Resolución:

“Vista a documentación relativa ao Plan xeral de ordenación municipal do Concello de Ordes, e con fundamento nos seguintes:

ANTECEDENTES:

Por Orde da Consellería de Medio Ambiente, Territorio e Vivenda de data do 13 de decembro de 2023, prestouse aprobación definitiva ao Plan xeral de ordenación municipal do Concello de Ordes.

FUNDAMENTOS XURÍDICOS:

PRIMEIRO.- A Disposición adicional primeira da Lei 1/2021, do 8 de xaneiro, de ordenación do territorio de Galicia establece que o Rexistro de Planeamento de Galicia, regulado na Lei 2/2016, do 10 de febreiro, do Solo de Galicia, e no capítulo X do título II do regulamento da dita lei, aprobado polo Decreto 143/2016, do 22 de setembro, pasará a denominarse Rexistro de Ordenación do Territorio e Planeamento Urbanístico de Galicia.

SEGUNDO.- O artigo 88 da Lei 2/2016, do 10 de febreiro, do solo de Galicia establece que os instrumentos de planeamento urbanístico, unha vez aprobados definitivamente, e publicado no Diario Oficial de Galicia o acordo correspondente, deberán inscribirse no rexistro que, para tal efecto, se constituirá na consellería competente en materia de urbanismo.

O Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia (en diante, RLSG) contén nos seus artigos 208 e seguintes a regulación do Rexistro de Planeamento Urbanístico de Galicia.

TERCEIRO.- Consonte co previsto no artigo 212.1 do Decreto 143/2016, de 22 de setembro, a consellería competente en materia de urbanismo inscribirá de oficio os instrumentos de planeamento urbanístico cuxa aprobación definitiva lle corresponda.

A inscrición dos instrumentos de planeamento no rexistro, incluídas as súas modificacións, deixará constancia da súa existencia, contido e datas de aprobación e será condición para a publicación da súa normativa no Boletín Oficial correspondente, de conformidade co establecido nos artigos 82 da Lei 2/2016, do 10 de febreiro, e 215 do Decreto 143/2016, do 22 de setembro.



A inscrición no rexistro de planeamento urbanístico é un acto formal que goza de independencia respecto das facultades atribuídas pola lexislación de réxime local para proceder ao requirimento de anulación dos actos e acordos das corporacións locais.

CUARTO.- Corresponde á Dirección Xeral de Ordenación do Territorio e Urbanismo o exercicio de todas as competencias relativas á xestión do Rexistro de Ordenación do Territorio e Planeamento Urbanístico de Galicia, conforme co sinalado no artigo 208.2 do Decreto 143/2016, do 22 de setembro, e do artigo 13 do Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda, en relación co Decreto 59/2023, do 14 de xuño, polo que se establece a estrutura orgánica da Xunta de Galicia.

En virtude do exposto, e de conformidade coa Lei 2/2016, do 10 de febreiro, do solo de Galicia, o Decreto, 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, o Decreto 42/2019, do 28 de marzo e o Decreto 59/2023, do 14 de xuño, e demais preceptos de pertinente e xeral aplicación, PROPONSE:

De acordo coa proposta da xefa do servizo xurídico administrativo de data do 26 de xaneiro de 2024, RESOLVO:

Ordenar a inscrición do Plan xeral de ordenación municipal do Concello de Ordes, no Rexistro de Ordenación do Territorio e Planeamento Urbanístico de Galicia, co número de rexistro ROTPG/P/8/2024, da Sección II, do Libro I, Tomo III, folla rexistral nº 71.

Contra a presente resolución, que lle pon fin a vía administrativa, poderase interpoñer recurso contencioso-administrativo ante a Sala do contencioso-administrativo do Tribunal Superior de Xustiza de Galicia, no prazo de dous meses contados desde o día seguinte ao da notificación, sen prexuízo da formulación, no seu caso, de requirimento previo en igual prazo (artigos 44 e 46 da Lei 29/1998, do 13 de xullo, da xurisdición contencioso-administrativa).

Santiago de Compostela, data e sinatura dixital.
A directora xeral de Ordenación do Territorio e Urbanismo
M^a Encarnación Rivas Díaz



**CERTIFICADO DE INSCRICIÓN NO REXISTRO DE ORDENACIÓN DO TERRITORIO E
PLANEAMENTO URBANÍSTICO DE GALICIA**

En cumprimento do disposto no artigo 215 do Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia emítese a presente certificación para facer constar que:

1.- Por resolución da directora xeral de Ordenación do Territorio e Urbanismo do 29 de xaneiro de 2024, procedeuse á inscrición do Plan xeral de ordenación municipal do Concello de Ordes.

2.-O Plan xeral de ordenación municipal do Concello de Ordes, figura inscrita no Rexistro de Ordenación do Territorio e Planeamento Urbanístico de Galicia, na Sección II, Libro I, Tomo III, folla rexistral 71 co número ROTPG/P/8/2024, de conformidade co disposto nos artigos 88 da Lei 2/2016, do 10 de febreiro, do solo de Galicia e 208 e seguintes do Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, deixando constancia da súa existencia e seguinte contido:

Número de rexistro:		ROTPG/P/8/2024	
DENOMINACIÓN DO INSTRUMENTO DE PLANEAMENTO: PLAN XERAL DE ORDENACIÓN MUNICIPAL		CONCELLO: ORDES	
COMPETENCIA APROBACIÓN DEFINITIVA			MUNICIPAL
		X	AUTONÓMICA
DATA DE APROBACIÓN DEFINITIVA		13/12/2023	
DATA PUBLICACIÓN DOG		26/12/2023	
DATA INSCRICIÓN		29/01/2024	

Santiago de Compostela, data e sinatura dixital
A directora xeral de Ordenación do Territorio e Urbanismo
M^a Encarnación Rivas Díaz

